

COMPLEMENTA LOCALIA

CAPITVLVM VI

I. **ubi?**

- responsum est casū **ablativō** cum praepositionē **in** si vocābulum est nomen substantivum commūne vel si est nomen proprium patriae (Hispania, Italia, Gallia, Britannia, ceterae...).

sed responsum est casū **locativō** si :

1^{um}. vocabulum est **nomen proprium oppidī**

2^{um}. si id vocabulum, quod est nomen oppidī, **numero tantum singulāri** est.

3^{um}. si id vocabulum, quod est nomen oppidī, est vocabulum **primae vel secundae declinatiōnis**.

casus locativus habet formam genitīvi : Romae, Tusculī

- responsum quoque est casū **ablativō sine praepositionē**:

a) si est vocabulum oppidī non numerō singulārī, sed plurālī, aut

b) si est vocabulum oppidī, quod non est primae neque secundae declinatiōnis.

exempla:

1. ubi est Roma? -Roma **in** Italiā est. -ubi autem est Italia? -ea **in** Eurōpā est.

2. ubi habitat Lydia? -ea, quae est amica Medī, Romae habitat.

3. ubi habitat Cornelius? -is **in** oppidō Tusculō habitat. Cornelius, qui est vir Romānus et amīcus Iulī, Tusculī habitat.

4. ubi est Iulia? -ea **in** hortō est ubi rosas videt easque carpit, nam rosae eam delectant.

5. ubi habitat Iulius? - is **in** magnā villā habitat cum feminā, liberīs, servīs et ancillīs.

6. ubi est Hispania? -Hispania **in** Eurōpā est.

7. ubi est Matrītum? -Matrītum **in** Hispaniā est.

8. ubi est Musēum cuius nomen est "Museo del Prado"? -id est Matrītī.

9. ubi est Lutetia¹? Lutetia est **in** Galliā.

10. ubi est turris *Eiffel* ? ea est Lutetia**ae**.

11. ubi est Londinium? Londinium est **in** insul**ā** Britann**ī**.

12. ubi natus est Thomas Morus, qui est auctor libri cuius titulus est *Utopia*?

13. is natus est Londini**ī**. (vocābulum *Londinium* est generis neutri, et numeri singulāris. itaque id vocābulum, quod est nomen oppid**ī**, habet casum locatīvum, quia est vocabulum secundae declinatiōnis.)

14. ubi est templum Parthenon? -id templum est Athen**īs**. (vocabulum *Athēnae* declinātur numerō plurālī: nominatīvus: Athēnae; accusatīvus: Athēnas; genetīvus: Athenārum; datīvus et ablatīvus: Athēn**īs**. oppida sine praepositione: -ubi est? -in oppidō Athēnis est. -Athen**īs** est. vocabulum *Athēnae* non habet casum locatīvum quia declinātur numerō plurālī, non singulārī numerō.)

(1 *Lutetia* Latīne rectē nominātur *Lutetia Parisiōrum*. etiam brevius Lutetia nominātur vel Paris**ī**. linguā Francicā seu Gallicā modernā vocātur *Paris*.)

II. unde?

responsum est casū ablatīvō:

1. cum praepositione: **a/ab** vel cum praepositione: **e/ex**

-si vocabulum est substantīvum quod non est nomen oppid**ī**.

Exempla :

-Iulia **ab** Aemili**ā** discēdit et ad hortum it ubi rosae pulchrae sunt.

-Iulius **ab** oppid**ō** Tuscul**ō** venit ad villam.

-Iulia **ex** hort**ō** venit cum quinque pulchris rosis.

-amīcus meus **ex** Itali**ā** venit.

-amīca autem mea **ex** Galli**ā** venit.

-Quintus **ē** peristyl**ō** venit.

2. sine praepositione:

-si vocabulum est substantīvum quod est nomen oppid**ī**. (e.g. Roma, Tusculum, Londinium, Lutetia, Athenae...)

exempla:

-Iulius **ab** oppid**ō** Tuscul**ō** venit = Iulius Tuscul**ō** venit.

-Cornēlius autem non Tuscul**ō** sed Rom**ā** venit.

-amīcus meus Graecus non Rom**ā** sed Athen**īs** venit. (*Roma*, casū ablatīvō est *Romā*. *Athenae* non habet numerum singularem sed pluralem tantum. itaque ab oppidō cuius nomen est Athenae dicitur: Athēn**īs**. nam casus ablatīvus plurālis primae declinatiōnis est -is -e.g. plurālī numero: nomin.: ancillae, accus.: ancillas, genet.: ancillārum, dat./ablatīvus: ancill**is**-)

III. quo?

responsum est casū accusatīvō:

1. cum praepositionē **ad**:

-**si vocabulum est nomen quod non est oppidī.**

-Iulius **ad** vill**am** it.

-Cornelius **ad** oppid**um** Tuscul**um** it.

-Medus **ad** amic**am** su**am** it. (Medus esse vult cum

amīcā suā Lydiā.
eam esse vult.)

Medus apud

2. cum praepositionē **in**:

-**si vocabulum est nomen quod non est oppidī:**

-Iulia **in** hort**um** it.

-Hannibal **in** Itali**am** it.

-Quintus **in** cubicul**um** su**um** it.

responsum autem est **casu accusatīvō sine praepositionē**:

Matritum, si est **nomen oppidī** (Roma, Tusculum, Londinium,
Lutetia...)

exempla :

-quo it Medus? is Rom**am** it.

-quo it Cornelius? is Tuscul**um** it.

-quo it amīca tua? amīca mea Londini**um** it.

-amīcus meus Athen**ās** it. (*Athenae* non habet

numerus singularem sed pluralem tantum. itaque ad oppidum cuius nomen est *Athenae* dicitur: Athēn**as**. nam casus accusatīvus plurālis primae declinatiōnis est -**as** -e.g. plurālī numero: nomin.: ancillae, accusatīvus: ancill**as**, genet.: ancillārum, dat./ablat.: ancillis-)

IV. quā?

responsum indicat locum **per quem** īre possumus.

quod responsum est casū ablatīvō vel casū accusatīvō cum praepositionē **per**:

1. **casū ablatīvō**: (viā, portā, semitā -semita est parva via et angusta via-, ponte, etc.)

exempla: 1. Medus viā Latīnā it.

2. Medus viā Latīnā ab oppidō Tusculō ad 'oppidum' Romam it.

3. Medus viā Latīnā Tusculō Romam it.

(='per viam' (=ab oppidō (ad 'oppidum'
Latīnam) Tusculō) Romam)

2. **casu accusatīvō** cum praepositiōne **per**

exempla: 1. is qui viā Latīnā venit **per** portam Capenam Romam intrat.

2. puer improbus ambulat **per** hortum et rosās calcat.